

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 26 May, 2014 (A)

MAS, PROTON jadi tumpuan utama

» Badan Pengawas Pemegang Saham Minoriti pantau perkembangan



RITA BENOY
BUSHON

Pelbagai pihak termasuk Badan Pengawas Pemegang Saham Minoriti (MSWG) sedang memantau rapat perkembangan Penerbangan Malaysia (MAS) dan menantikan langkah

seterusnya yang akan diambil syarikat penerbangan nasional dalam menangani kemelut kewangannya.

Adakah MAS akan dijadikan syarikat persendirian dan dijual atau menjalani proses pembubaran? Berapa banyakkah lagi dana akan diperlukan? Siapakah yang akan melaksanakan pelan perniagaan MAS? Bagaimana pula dengan akauntabiliti?

Jika kerajaan membuat pilihan pertama dan menjual MAS, ia perlu memilih secara berhati-hati pembeli yang boleh mengambil tindakan yang betul dan mampu membuat keputusan jangka panjang yang wajar untuk memulihkan kedudukan kewangan syarikat itu.

Jika kerajaan memilih untuk membubarkan MAS, adakah ia akan menarik balik status quo MAS dan membatalkan beberapa kontrak yang merugikan syarikat? Selepas pelantikan lima Ketua Pegawai Eksekutif, pelaksanaan aktiviti penjanaan modal sebanyak dua kali dalam tempoh

tiga tahun dan jumlah hutang melebihi RM15 bilion serta pelaksanaan terbitan saham hak, maka sudah tiba masanya kerajaan mengambil langkah tegas untuk syarikat penerbangan itu.

PROTON Holdings

Turut dilaporkan adalah mengenai PROTON Holdings Bhd yang kini berada di bawah kumpulan DRB-Hicom.

PROTON Holdings juga mencatatkan prestasi yang lemah dan baru-baru ini, bekas Perdana Menteri, Tun Dr Mahathir Mohamad mengesahkan pelantikannya sebagai

Lanjutan daripada pemerhatian kami dalam musim syarikat melaksanakan mesyuarat agung tahunan (AGM) kali ini, kami dapat Perdana Petroleum tidak menzahirkan profil pengarahnya di dalam laporan tahunannya.

“Jika kerajaan membuat pilihan pertama dan menjual MAS, ia perlu memilih secara berhati-hati pembeli yang boleh mengambil tindakan betul”

Pada pandangan kami amalan ini tidak selaras dengan prinsip amalan tadbir urus terbaik yang digalakkan oleh MSWG, malah menimbulkan kesukaran memperoleh maklumat bagi nilai pengarah.

Kami berpandangan maklumat penting ini sepatutnya boleh didapat dengan mudah oleh pemegang saham.

Justeru, kami menggalakkan semua syarikat membuat penzahiran profil pengarah mereka di dalam laporan tahunan masing-masing sama ada di dalam bentuk penerbitan atau elektronik.

Syarikat itu juga mempunyai 12 orang pengarah, namun tiada pengurus syarikat sejak empat tahun lalu.

MSWG berpendapat, sesebuah syarikat perlu melantik pengurus secepat mungkin untuk memimpin lembaga pengarah dan memberikan panduan.

Ia juga penting bagi mewujudkan mekanisme *check and balance* dalam lembaga pengarah.

Dalam hal yang berasingan, lanjutan daripada komen kami mengenai tawaran awam JT International (JTI) pada minggu lalu, yang mana kami menggesa pelabur institusi untuk mendapatkan tawaran yang lebih baik, kami dapat harga tawaran saham JTI dinaikkan kira-kira lima peratus, seterusnya menarik minat pelabur institusi untuk menerima tawaran berkenaan.

Penulis

ialah Ketua Eksekutif Badan Pengawas Pemegang Saham Minoriti Bhd (MSWG)